

Carta na seiljeii Judas

Xmaⁿndye nn'aⁿ na m'aⁿ cwentaa' Ty'o^oots'om

1 ¹ Ja Judas matseiljeiya cartawaañe. Cwiluiindy^o ts'aⁿ na mand'iⁿtjomtyeⁿ nnom Jesucristo. Ti'xi^oo^oya jndyu Jacobo. Cartawaañe matseicwanoⁿya juuna' ndaaⁿ nn'aⁿ na ma'maⁿ Tsotyaaya Ty'o^oots'om na macwji'ñ^ooⁿ joona na macwjaa'ñê cwentaaⁿ'aⁿ, nc'e na matseitjoom'na' joona ñequio Jesucristo. ² Quiaa Ty'o^oots'om na nleijndyeti na nnto'ñoom'yo' na wi' ts'loom 'o, ñequio na meiⁿcwii ñomtiuu tic'om'yo' ñequio na candya' ts'loom 'o.

M'aⁿ nn'aⁿ na cwinquio'nn'aⁿ

(2 Pedro 2:1-17)

³ 'O nn'aⁿya na wi' ts'o^ooⁿya, jnda seiqueeⁿna' ts'o^ooⁿ na nntseiljeiya cwii ñ'loom cwenta'yo' cantyja 'naaⁿ' juu na tjoom' na macwji'n'maaⁿñe Ty'o^oots'om jaa, saa je' maquaⁿya cwenta na macaⁿna' na catseijndo'a n'om'yo' na cjoo' n'om'yo' cantyja 'naaⁿ' juu na cwilayu'ya n'o^ooⁿya na juuna' ñejom tquiaaⁿ na laxmaⁿ nn'aⁿ cwentaaⁿ'aⁿ. ⁴ Ee m'aⁿ nn'aⁿ quii'ntaaⁿ'yo' na cwilajomndyena ñ'eⁿndyo' saa cwinquio'nn'aⁿna 'o. Ñ'oom' Ty'o^oots'om na jach'ee xuee teiljeii ma'moⁿna' cantyja 'naaⁿna na nnt'uiiwi'na' joona cha'xeⁿ laxmaⁿna na nntjoomna. Joona tic'omna cantyja 'naaⁿ'aⁿ, ee cwiwil'ueeⁿndyena juu naya na matseixmaaⁿ na wanaaⁿ na nnc'omyana ñequio nn'aⁿ ndo' naljo' cwil'ana cwitjeii'ndyena cantyja 'naaⁿ' Jesucristo na cwiluiiñê na matsaⁿ'ntjoom jaa ndo' macandaⁿ nqueⁿ tjacantyja na t'maⁿ cwiluiiñê jo ndaaya.

⁵ Meiiⁿ na ntyjii na manqui'u'yo' ñ'oomwaa saa l'ue ts'o^ooⁿ na cjaañjoom' n'om'yo' na ya tjei' Ty'o^oots'om nn'aⁿ Israel ndyuaa Egipto saa jndanquiacheⁿ s'aaⁿ na tjā nt'omndye joona na ticala'yu'na ñ'eⁿñê.

⁶ Ndo' mati cjaañjoom' n'om'yo' nquiee ángeles na ticaljoo'ndyena ts'iaaⁿ na laxmaⁿna, hasta 'ndyena yuu na seijndaa'ñe Ty'o^oots'om cwentaana, maleichom joona na praso meiⁿ xocantycwii na chu'tyeⁿndyena l'uaancjo yuu na jaaⁿñeñ'eⁿ hasta juu xuee quia na nncu'xeeⁿ cha'tso. ⁷ Mati nn'aⁿ tsjoom Sodoma ñequio Gomorra ñequio nn'aⁿ nt'omcheⁿ njoom ndiocheⁿ, tquiandyeñ'eⁿna na l'ana meiⁿquia nnom na queeⁿ n'om seiina nchii cha'xeⁿ na seijndaa'ñe Ty'o^oots'om na nnc'om nn'aⁿ, ndo' na luaa' tyol'a nn'aⁿ njoom'ñeeⁿ tseixmaⁿna' cwii na ma'moⁿna' na nnt'uiiwi' chom na tijoom canduu' nn'aⁿ na nmeiiⁿ cwil'a.

⁸ Naⁿñeeⁿ na m'aⁿna quii'ntaaⁿ'yo' meiiⁿ na manquiuna na tuii na ljo', saa laxmaⁿna nn'aⁿ na cwicatsoona ndaa, cwila'ndaa'ndyena seiina, l'ona na nlqueⁿ Ta Jesús xjeⁿ joona, cwila'jnaaⁿ'na ángeles na t'maⁿ

cwiluiindyẽ cañoom'luee. ⁹ Saa ángel na cwiluiitquieñe na jndyu Miguel quia na seijmei'ñê nnom tsa'jndii cantyja 'naa' sei'ts'o 'naa' Moisés, tîcatseijnaa'a' cwe' tsoom nnom juu: “Nquii Ta Ty'ooots'om catseitaa'a' 'u.” ¹⁰ Saa na'm'a' wi' ñ'oom cwila'nei'na nacjoo' mei'nquia na ticala'no'na, ndo' chjoowi' na ndya' cwila'no'tina, cwila'no'na jo' cwe' na c'ee' n'omna, cha'cwijom quioo' na cwe' mach'eetoyo'. Ndo' cantyja 'naa' jo' cwila'ndaa'ndye che'nquieena.

¹¹ Nlco'wi'na' na'm'a' ee cwi'oontyjona cha'xje' na s'aa Caín. Cha na nnta'ntjomna s'om cwila'jomndyena na tis'a s'aa Balaam ndo' cwilawendyena nacjoo' Ty'ooots'om cha'xje' seiweñe Coré ndo' nc'e na ljo' s'aa' seicuee' Ty'ooots'om jom. ¹² Matseijnaa'na' 'o na ñ'ee' na'm'a' quia na cwilajomndyo' ñ'e' nc'iaa'yo' na cwilayu' na tjoom' cwicwa'yo' na cwicañjom n'om'yo' Ta Jesús ndo' na'm'a' ñequio na neii'na cwicwa'na ndo' cwiwena ñ'e'ndyo' mei' tico'tiana' nquiuna. Matseijomna' joona cha'cwijom ts'a' cwe' m'aa' ts'om cantyja 'naa' nquii mei' ticateix'ee canma'. Joona laxma'na cha'cwijom nchquiu na wjaachuu jndye na tjaa ndaluaa' cachona'. Matseijomna' joona cha'na n'oom na meii' na jnda tue'ntyjo xje' na nl'ana' ta, saa tjaa ta col'ana', na we ndii' tjana' ee na jnda tyena' xe' quii' nch'ioona'. ¹³ Cantyja na cwil'a na'm'a' la'xma'na cha'na nmo' t'ma' ndaaluee na mandyontquiena' chom' na tjoom' na cwajndii nt'a, la'xma'na cha'na cancjuu na tijndaa' cwaa' ntyja cwi'oona'. Majndaa' na ticantycwii na nljoo'ndyetye' na'm'a' yuu na ntomñ'e' najaa'.

¹⁴ Mati Enoc, tsa' na jnda ntquiee' ndii' na tei'cantyjoo' tsjaa' 'naa' Adán, tyotseinei' ñ'oom na t'mo' Ty'ooots'om naquii' ts'oom cantyja 'naa' na'm'a'. Tsoom: “Nt'iaya nquii na cwiluiiñe na matsa'ntjom cha'tso na macwjee'cañoom ñequio mei' mei'che' nn'a' na lju' n'om, ¹⁵ na nncu'xee' cha'tso nn'a' ndo' na nnt'uiiwee'e' cha'tsondyẽ joona cantyja natia na jnda ñel'ana ndo' na nnts'aa' na nnt'uiitye'na' nn'a' na jee' tia ñejla'xma' cantyja 'naa' cha'tso nnom natia na jnda ñel'a, ndo' cantyja 'naa' cha'tso ñ'oom wi' na jnda ñejla'nei'na nacjoom'm.”

¹⁶ Na'm'a' ñequii'che' cwilancjoo'ndyena ljo' cwiluii na ticjaawee' nquiuna na cwil'a nt'omche', ljo' na cwil'a nc'iaana cwiluena xocwil'ue jo'. Ñequii'che' l'ue n'omna na caluii natia na quee' n'om seiina. S'a ñ'oom cwilanei'na ndo' ca'naa'ndyena cha nnquioo s'om lueena.

Matseijndo' Judas n'om nn'a' na cwilayu'

¹⁷ Saa 'o nn'a'ya na cwila'yu' na jnda ntyjiiya 'o, cjaanjoom' n'om'yo' ñ'oom na jaach'ee xuee tyoñequia apóstoles cwentaa' Ta Jesucristo,

¹⁸ na tyoluena ndaa'yo': “Joo ncuee na macanda nnc'om nn'a' na nla'nei' ñ'oom ticuee' ts'om nacjoo' ñ'oom naya 'naa' Ty'ooots'om. Ndo' nl'ana cha'tso nnom na tilju' na cwila'quee' n'omna.” ¹⁹ Jnaa' joona na

cwitoⁿndye nn'aⁿ na cwila'yu'. Cwila'ñ'oom'ndyena cantyja 'naaⁿ joo na queeⁿ n'om seiina, meiⁿ ticalaxmaⁿna Espíritu na cwiluiiñe Ty'o^oots'om.

²⁰ Saa 'o je' nn'aⁿya na jeeⁿ jnda ntyjiiya, caljoo'ndyo'tyeⁿyo' naquii' juu na cwila'yu'ya n'om'yo' na lju' tseixmaⁿna'. Calaneiⁿyo' nnom Ty'o^oots'om ñequio juu najndeii na matseixmaⁿ Espíritu Santo. ²¹ 'O caljoo'ndyo' cantyja na m'aaⁿ Ty'o^oots'om na candya' ts'oom 'o ndo' cwindo'yo' juu xuee quia nquii Jesucristo na cwiluiiñe na matsa'ntjoom jaa nncwjee'nnaaⁿaⁿ, xjeⁿñeeⁿ nc'e na wi' ts'oom jaa ñnequiaaⁿ na nnto'ño^oya na ticantycwii na nntando^oa.

²² Nn'aⁿ na we waa na m'aaⁿ n'om cantyja 'naaⁿ ñ'oommeiiⁿ, cat'moⁿyo' ndaana cha ñecwii nla'tiuuna. ²³ Ndo' nt'omcheⁿ nn'aⁿ na jnda tjachuuna' joona cantyja 'naaⁿ ñ'oom na cwit'mo^o na m'aⁿ, catjei'n'maaⁿndyo' joona' cha'cwijom na macwji' ts'aⁿ x'iaaⁿaⁿ quii' chom. Ndo' ñequio nt'omcheⁿ c'om'yo' na wi' n'om'yo' joona saa c'om'yo' na nquia'yo' na juu natia na laxmaⁿna tincw'uaa'ndyo' joona'.

Ñ'oom na macandā na matseit'maaⁿñena' Ty'o^oots'om

²⁴ Nnom Nqueⁿ na waa najndeii na cwiluiiñe na nncwañom'm 'o na tincju'cjena' 'o na ñequio na neiiⁿeⁿ nnts'aaⁿ na nncwintyje'yo' jo nnoom yuu na jeeⁿ caxuee na m'aaⁿ na meiⁿcwii tila'tjoondyo' jo nnoom, ²⁵ nnom Nqueⁿ na ñequii'cheⁿ cwiluiiñe Ty'o^oots'om na macwji'n'maaⁿñe jaa cantyja 'naaⁿ Jesucristo na jom cwiluiiñe na matsa'ntjoom jaa cala't'maaⁿndyo jom, jom cwitaa'jndyaaya jo ndaaya, jom cha'tso najndeii matseixmaaⁿ, ndo' na maqueeⁿ xjeⁿ cha'tso, cha'xjeⁿ tyoontycwii na ñejndyowana', na waa na je', ndo' na ticantycwii na cwiwjaatina'. Amén.